

Bosna i Hercegovina
Federacija Bosne i Hercegovine
Bosansko-podrinjski kanton Goražde
MINISTARSTVO ZA URBANIZAM, PROSTORNO UREĐENJE I ZAŠTITU OKOLINE



PROGRAM

utroška sredstava

Ministarstva za urbanizam, prostorno uređenje i zaštitu okoline Bosansko-podrinjskog kantona Goražde sa ekonomskog koda **614 100** - Tekući transferi nižim nivoima vlasti

Goražde, April 2022. godine

Na osnovu člana 50. Zakona o izvršenju budžeta Bosansko-podrinjskog kantona Goražde za 2022. godinu ("Službene novine Bosansko-podrinjskog kantona Goražde", broj: 2/22), a u skladu sa Planom utroška namjenskih sredstava sa podračuna za zaštitu okoline Bosansko-podrinjskog Kantona Goražde za 2022 godinu broj:09-11-17-5/22 od 11.04.2022 godine Ministarstvo za urbanizam, prostorno uređenje i zaštitu okoline **utvrđuje:**

PROGRAM

utroška sredstava Ministarstva za urbanizam, prostorno uređenje i zaštitu okoline sa ekonomskog koda 614 300 - Tekući transferi nižim nivoima vlasti

1. NAZIV PROGRAMA

Naziv Programa je: "Program utroška sredstava Ministarstva za urbanizam, prostorno uređenje i zaštitu okoline Bosansko-podrinjskog kantona Goražde", sa ekonomskog koda **614 100** – Tekući transferi nižim nivoima vlasti.

PODACI O PROGRAMU

Period realizacije Programa:	01.04. – 31.12.2022. godine
Budžetska pozicija:	Tekući transferi nižim nivoima vlasti
Ekonomski kod:	614 100
Ukupna vrijednost Programa:	120.000,00 KM
Odgovorna osoba:	Bojan Krunić
Pozicija odgovorne osobe:	Ministar za urbanizam, prostorno uređenje i zaštitu okoline Bosansko-podrinjskog kantona Goražde
Kontakt osoba za Program:	Bojan Krunić
Kontakt telefon:	038 224 257
Kontakt e-mail:	minurbanizam@bih.net.ba
Internet:	www.bpkg.gov.ba

SAGLASNOST NA PROGRAM

Saglasnost na ovaj Program, u skladu sa članom 50. Zakona o izvršenju budžeta Bosansko-podrinjskog kantona Goražde za 2022. godinu, dala je Vlada Bosansko-podrinjskog kantona Goražde Odlukom broj: 03-11-684/22 godine od 21.04.2022.godine.

2. SVRHA I OPIS PROGRAMA

2.1. Svrha Programa

Svrha ovog Programa utroška sredstava je podrška projektima nižih nivoa vlasti - općina/gradova u sastavu Kantona, odnosno finansijska podrška za implementaciju prioriternih ciljeva i programskih zadataka Ministarstva iz oblasti građenja, prostornog uređenja i zaštite okoline na području Bosansko-podrinjskog kantona Goražde u skladu sa Prioritetnim ciljem 1. (Osigurati efikasnu uspostavu i instrumente implementacije mjera zaštite okoliša i očuvanja prirode) u okviru Strateškog cilja 3. (Osigurati održivo upravljanje okolišem i prirodnim resursima, te jačati komunalne infrastrukturne kapacitete u Kantonu) Strategije razvoja Bosansko-podrinjskog kantona Goražde.

Takođe, svrha Programa je da se, u skladu sa članom 50. Zakona o izvršenju budžeta Bosansko-podrinjskog kantona osigura planski i transparentan utrošak sredstava odobrenih na Ekonomskom kodu 614 100 -- Tekući transferi nižim nivoima vlasti.

2.2. Opis Programa

Program utroška sredstava sa Ekonomskog koda 614 100 -- Tekući transferi nižim nivoima vlasti definiše sve ključne elemente implementacije planiranih budžetskih sredstava kako je to usvojeno Programom rada Vlade Bosansko-podrinjskog kantona Goražde za 2022. godinu kao što su: iznos sredstava, opći i posebni ciljevi Programa, korisnici sredstava, kriteriji za raspodjelu sredstava, procjena rezultata implementacije Programa kao i procjenu nepredviđenih rashoda i rizika.

3. OPĆI I POSEBNI CILJEVI PROGRAMA

3.1. Opći/Osnovni cilj Programa

Osnovni cilj Programa je da se kroz finansiranje/sufinansiranje projekata iz oblasti koje su u nadležnosti Ministarstva za urbanizam, prostorno uređenje i zaštitu okoline Bosansko-podrinjskog kantona Goražde, a koje dostave niži nivoi vlasti -- grad/općine u sastavu Kantona, omogućiti unaprijeđenje i tehnički napredak u oblasti građenja, prostornog uređenja i efikasnija zaštita okoline, poboljšavanje energetske efikasnosti, posebno rješavanje problema upravljanja otpadom, što su osnovni uslovi zdravog i održivog razvoja i približavanje evropskim standardima u ovoj oblasti. Time bi se unaprijedio sistem građenja, planiranja prostora, praćenja kvaliteta okoline i pružila finansijska podrška za realizaciju projekata iz ovih oblasti. Ovim Programom će se vršiti efikasna implementacija Zakona o prostornom uređenju i građenju Bosansko-podrinjskog kantona Goražde i Zakona o zaštiti okoline Bosansko-podrinjskog kantona Goražde.

3.2. Posebni/specifični ciljevi Programa

Posebni/specifični ciljevi ovog Programa, definisani su u skladu sa naprijed navedenim Zakonima, Programom rada Vlade i Ministarstva za 2022. godinu, Prioritetnim ciljem 1. (Osigurati efikasnu uspostavu i instrumente implementacije mjera zaštite okoliša i očuvanja prirode) u okviru Strateškog cilja 3. (Osigurati održivo upravljanje okolišem i prirodnim resursima, te jačati prostorno-planske i komunalne infrastrukturne kapacitete u lokalnim

zajednicama na području Kantona) Strategije razvoja Bosansko-podrinjskog kantona Goražde su:

- Jačanje i modernizacija kapaciteta iz oblasti građenja, prostornog planiranja katastra kao i drugih oblasti neophodnih za stvaranje jedinstvenog zaokruženog sistema koji će omogućiti prije svega bolje planiranje prostora kako bi se omogućilo organizovanje i plansko građenje na istom,
- Očuvanje, zaštita i unaprijeđivanje stanja u oblasti zaštite okoline, kao i stvaranje boljih uslova života.
- Poboljšanje energetske efikasnosti, ostvarivanje energetskih i ekonomskih ušteda, kao i smanjene emisije stakleničkih gasova.
- Podsticanje održive upotrebe prirodnih resursa kroz uspostavu integralnog sistema upravljanja otpadom, primarno odvajanja otpada radi smanjenja nastajanja otpada i smanjenja štetnih uticaja, korištenje vrijednih svojstava otpada i samoodrživost sistema upravljanja komunalnim otpadom.
- Uređenje javnih površina i očuvanje prirodnih resursa.

4. POTREBNA SREDSTVA ZA PROVOĐENJE PROGRAMA

Sredstva za implementaciju ciljeva iz ovog Programa u iznosu od 120.000,00 KM planirana su Budžetom i Planom utroška sredstava Ministarstva za urbanizam, prostorno uređenje i zaštitu okoline Bosansko-podrinjskog kantona Goražde za 2022. godinu djelom kao namjenska sredstva sa Podračuna kantonalnog stambenog fonda Bosansko-podrinjskog kantona Goražde, a dijelom kao sredstva iz izvornih prihoda Kantona.

Sredstva za finansiranje/sufinansiranje će se dodjeljivati na osnovu pristiglih projekata, koje će po upućenom javnom pozivu općine/grad u sastavu Bosansko-podrinjskog kantona Goražde dostaviti na adresu Ministarstva za urbanizam, prostorno uređenje i zaštitu okoline Bosansko-podrinjskog kantona Goražde. Javni poziv će biti otvoren do kraja perioda predviđenog za trajanje Programa ili do utroška sredstava predviđenih ovim Programom.

5. KRITERIJI ZA RASPODJELU SREDSTAVA

Sredstva se raspoređuju u skladu sa Programom rada Vlade i Ministarstva za 2022. godinu i Planom utroška namjenskih sredstava Ministarstva sa podračuna za zaštitu okoline Bosansko-podrinjskog kantona Goražde za 2022. godinu, na koji je saglasnost dala Vlada Bosansko-podrinjskog kantona Goražde Odlukom broj: 03-11-581/22 od 08.04.2022. godine.

Ministarstvo će putem stručnih službi vršiti procjenu podnešenih projekata i zahjeva za dodjelu sredstava za njihovu realizaciju, na osnovu jasno utvrđenih kriterija vrednovati, sačiniti detaljan izvještaj i dostaviti ga Ministru. Prilikom procjene neće se razmatrati programi i projekti koji su finansirani iz sredstava Budžeta Ministarstva u predhodnoj budžetskoj godini i za koje nisu dostavljeni izvještaji o realizaciji. Odluku o odobravanju sredstava na prijedlog Ministarstva donosi Vlada Bosansko-podrinjskog kantona Goražde.

Kriteriji za dodjelu – trošenje sredstava su:

- Da predloženi projekat tretira oblast iz nadležnosti rada Ministarstva,
- Da se projekat realizuje na području Bosansko-podrinjskog kantona Goražde,

- Da će korist od njegove realizacije imati više osoba (sa mogućnošću utvrđivanja njihovog okvirnog broja) i
- Da vrijednost projekta ne prelazi iznos sredstava planiranih za te namjene u Budžetu Ministarstva za 2022. godinu; u suprotnom prijedlog projekta mora sadržavati dokaz da su već obezbjeđena nedostajuća sredstva za njegovu realizaciju (sufinansiranje). Projekti kojima se predviđa sufinansiranje će imati prednost.

6. KORISNICI SREDSTAVA

Korisnici sredstava su niži nivoi vlasti – općine/grad u sastavu Bosansko-podrinjskog kantona Goražde. Korisnici sredstava trebaju obezbjeđiti vidljivost, promociju, korištenje i širenje rezultata ovog Programa.

7. POTREBAN BROJ RADNIKA ZA PROVOĐENJE PROGRAMA I MONITORING
Za provođenje ovog Programa utroška sredstava, implementaciju planiranih sredstava i monitoring utroška sredstava nadležni su uposlenici Ministarstva za urbanizam, prostorno uređenje i zaštitu okoline i isti ne zahtijeva angažman dodatnog broja radnika.

8. PROCJENA REZULTATA

Realizacijom Programa očekuju se sljedeći rezultati: osiguranjem podrške nižim nivoima vlasti omogućiće se unaprijeđenje prostornog planiranja i građenja, efikasnija zaštita okoline, poboljšanje energetske efikasnosti, uređenje javnih površina i naročito rješavanje problema upravljanja otpadom, što su osnovni uslovi zdravog i održivog razvoja i približavanje evropskim standardima u ovoj oblasti.

Poslije donošenja Odluke o odobravanju novčanih sredstava, prije transfera istih, sa odabranim korisnicima će biti zaključen ugovor o dodjeli finansijskih sredstava kojim će se precizirati način utroška. Po okončanju projekata korisnici sredstava su dužni dostaviti izvještaje o realizaciji projekata i utrošku sredstava.

Ministarstvo za urbanizam, prostorno uređenje i zaštitu okoline će svojim aktivnim učešćem obezbjeđiti praćenje provedenih aktivnosti, nadzor nad realizacijom projekata i kontrolu namjenskog utroška sredstava. U skladu sa zakonskim propisima važnu ulogu u nadzoru namjenskog trošenja sredstava imat će i Ured za reviziju i Ministarstvo za finansije BPK-a Goražde.

9. PROCJENA NEPREDVIĐENIH RASHODA I RIZIKA

Ne procjenjuje se mogućnost nepredviđenih rashoda, a rizik za implementaciju programa je eventualna nemogućnost osiguranja prihoda zbog nedovoljnog priliva sredstava.

**MINISTARSTVO ZA URBANIZAM
PROSTORNO UREĐENJE I ZAŠTITU
OKOLINE BPK GORAŽDE**

Broj: 09-11-171-2/22
Goražde, 27 .04.2022. godine

